

# CONCIONES

*Habita*

A Sanctissimo Domino Nostro  
BENEDICTO XIII.

PONT. MAX.

In Consistorio Secreto  
Feria secunda

*Die 9. Decembris 1726.*

VENERABILES FRATRES.



**I**N Regno Sardinie, quod sub proprietate, & directo Dominio  
hujus Sancte Sedis esset, ex pluribus, iisque irrefragabilibus mo-  
numentis, & precipue ex Bonifacii VIII. Prædecessoris nostri  
concessione, & investitura, aliisque in Indulto, inferius referendis,  
enunciatis, exploratissimum extat; Ecclesias, multis ab hinc  
annis, Pastoribus orbatas, ex hac Apostolatus specula, sine intimo  
animi dolore, spectare non poteramus. Itaque ne ruina animarum  
esset sub manu nostra, ingravescentium malorum remedium non esse ulterius  
differendum censuimus. Propterea, demissis precibus Charissimi in Christo Filii  
nostri Victorii Amadei, ejusdem Sardinie Regis, annuentes, Jussu patronatus, ac  
nominandi personas idoneas ad Cathedralis, & Metropolitanas Ecclesias, ac Mo-  
nasteria antedicti Regni, eidem, ejusque Descendentibus lineæ tantummodo dō ma-  
sculinæ concessimus per Apostolicas nostras in forma Brevis literas, die vigesi-  
ma quinta Mensis Octobris proximè elapsi datas, ejus prorsus tenoris, in quem ma-  
ture accuratèque discussum, convenerat particularis Congregatio, ex nonnullis  
tàm Venetabilibus Fratribus nostris Collegii vestri, quàm hujus Romanæ Curie  
Prælati, a Nobis ad eam rem expendendam deputata, cuius non solum in nostris,  
& Apostolicæ Sedis iuribus præservandis, sed in cæteris etiam, quæ gesta sunt,  
præcipuam rationem habuimus. Quod quidem vobiscum ex hoc loco communi-  
candum duximus, ut quæ ad hujus Sanctæ Ecclesiæ rationes cum Dei gloria con-  
iunctas pertinent, fraternitatibus vestris, ut par est, comperta esse possint.

A

Cha-

Charissimo in Christo Filio Nostro  
**VICTORIO AMADEO**

*Sardinie Regi illustri.*

**BENEDICTUS PAPA XIII.**



Harissime in Christo Fili noster Salutem, & Apostolicam Benedictionem. Cum nonnulli Romani Pontifices Prædecessores Nostri aliquibus Hispaniarum, & Aragoniæ Regibus, qui etiam Sardinie Regnum ex Investitura Bonifacii VIII. facta Jacobo Aragoniæ Regi, ejusque Successoribus, & Descendentibus, tam ex linea Masculina, quam Feminina possidebant, & quod sub proprietate, & directo Dominio hujus Sanctæ Sedis, & Romanæ Ecclesiæ existit, ob eorum præclara merita in Apostolicam Sedem Jusparronatus, & nominandi Personas idoneas ad Cathedralas, & Metropolitanas Ecclesias, ac quæcumque Monasteria etiam Consilia, quoties illas, & illa, quibusvis modis, & ex quorumcumque etiam S.R.E. Cardinalium Personis, vacare contingeret, reservaverint, concesserint, & indulserint. Nos Majestatem Tuam ob eximiam pietatem, & Tuæ, tuorumque Progenitorum merita, & in hunc Sanctam Sedem singularem devotionem, & obsequium, specialibus favoribus, & gratiis libenter prosequi volentes, & prædecessorum nostrorum præfatorum, ac præcipue Gregorii XV. vestigiis inherentes, tamen Tibi, qui de præfatis possides præfatum Regnum, & in eadem Investitura comprehensus es, uti Descendens ex linea Feminina Jacobi, etiam non sis Rex Aragoniæ, cui qualitati per præfentes specialiter derogamus, quam, ubi viam universæ Carnis fueris ingressus, omnibus, & singulis Majestatis Tuæ Descendentibus Masculis, & in dicto Sardinie Regno, ejusque Insulis legitimis Successoribus quamdiu vixerint, motu proprio, ac ex certa scientia, & matura deliberatione, nostris, deque Apostolicæ Potestatis plenitudine paribus Jusparronatus, & præfentandi personas idoneas Nobis, & pro tempore existentibus Romanis Pontificibus, Successoribus nostris, ad præfentationem hujusmodi præficiendas, ad quasvis Cathedralas, & Metropolitanas Ecclesias, & quæcumque Monasteria, etiam Consistorialia in dicto Regno, & ejus Insulis, quoties illas, & illa quibusvis modis, & ex quorumcumque etiam S.R.E. Cardinalium Personis vacare contingerit, tenore præfentium reservamus, concedimus, & assignamus, Decernentes, quascumque Provisiones, & alias dispositiones de Ecclesiis, & monasteriis prædictis, alias quam ad Tuam, dictæ Majestatis Tuæ Descendentium, & in dicto Regno legitimorum Possessorum, hujusmodi præfentationem pro tempore quomodolibet faciendam, & inde sequutas, nullas, & invalidas, nullisque roboris fore, & esse irritumque penitus quidquid contra præfentes contigerit attentari; Non obstantibus omnibus illis, quæ Prædecessores nostri, præcipue Gregorius XV. in suis litteris, voluerunt non ob stare, exterisque contrariis quibuscumque. Per præfentes autem in Jure Parronatus, si quod dictæ Majestati Tuæ, & ejusdem Descendentibus, & Successoribus in dicto Regno competere poterit ad Ecclesias, & Monasteria prædicta, ratione illarum fundationis, seu recuperationis e manibus Inimicorum, vel per Privilegia Apostolica, quæ nihilominus valere, & in suo robore permanere volumus, aliquid innovare, vel minuire non intendimus, cum intentionis Nostræ sit, Majestatem Tuam novis favoribus prosequi, non autem tollere ea, quæ tui Juris sunt. Datum Romæ apud Sanctam Mariam Majorem sub Anulo Piscatoris die xxv. Octobris 1746. Pontificatus Nostri Anno Tertio.

## Venerabiles Fratres.

**A**ppropinquantibus communis lætitiæ diebus, quibus Nos, divini luminis instructi consilio, octo Beatorum Nominum solemniter et vobis Dei omnipotentis gloriam, Catholicæque Ecclesiæ exaltationem, Sanctum vobis Catalogo adscribere consuevimus, hodiernum diem, quo simul deficientem Venerabilis Fraternitatum vestrarum Collegii numerum completemus, elegimus.

Præmittimus interim, non parva Nos felicitudine angere, quatenus per humile supremæ Apostolicæ auctoritatis exercitium, celeberrima super Sanctæ Romanæ Ecclesiæ Cardinalium electione felicitis recordationis Sixti V. Prædecessoris Nostri, Constitutio (*la quinquagesima*) suæ pro debito executioni mandetur.

Hæc namque verba præcipua in ea leguntur, quæ hic duximus in Fraternitatum vestrarum memoriam revocanda, videlicet: *Inter hos septuaginta Cardinales, præter egregios utriusque Juris, aut Doctorum Doctores, non desint aliquot insignes viri in Sacra Theologia Magistri, præsertim ex Regularibus, & Mendicantium Ordinibus assumendi, saltem quatuor, non tamen pauciores*: exemplo Prædecessorum proculdubio ductus sapientissimus Pontifex, quem præ cæteris, & Benedicti XI., & Pauli IV. laudabilem prænam laudasse, non credimus.

Paulus enim viros selectissimos duos Ordinis Minorum S. Francisci de Observantia, in divina facultate Doctores, post quos alii ad hæc usque tempora creati, minime connumerantur: prægrandis hic licet sit Ordo, magisque inter Minoritas reliquos protendatur; assumpsit.

Et Benedictus, Nostri Prædicatorum Ordinis, tres Sacræ Theologiæ Magistrorum in vestram ipsam Collegium, brevem infra octo mensium decursum, cooptavit.

Exempla proinde, haud dissimilia ultimis nec defuere temporibus. Post nostram (heu quam immeritam, ac jugiter dolendam) ad Cardinalatum eversionem, tress adhuc alii nostri Ordinis Cardinales nobiscum dignissime, nostra sanè cum confusione, florere, unoque per mortem avulso, alter non defuit verè aureus; itaque avo nostro, dum Cardinalatus functi sumus, honore, Cardinales quatuor ex nostro, Ecclesia quidem non inutili, Prædicatorum Ordine, nobis tantummodo instructus, extitisse comprobetur.

Ad majorem ergo Dei gloriam, Sanctæ Romanæ Ecclesiæ utilitatem, vestrique Collegii decus, novum omnes Cardinales, qui ad præsens septuagenarium vestro numero implendo discurrunt, creare intendimus, ex quorum tamen numero duos eumtaxat nunc evulgamus, videlicet.

Nicolaum Mariam Lercarium, Archiepiscopum Nazianzenum, nostrum Primum Ministrum, & à Secretis Sacerdos.

Patrem Laurentium Cozza Ordinis Minorum S. Francisci de Observantia, Sacræ Theologiæ professorem, Terræ Sanctæ jam Custodem, & in præsentiarum eiusdem Ordinis Generalem Ministrum, cujus necdum consummata virtus, & Religionis zelus perspecta sunt vobis, sed & ipsummet commendant præclara novem volumina, ab eo in lucem edita, doctrina sana, & omnigena eruditione conferta, & duorum pro eo postularum excellentia Sacræ ipsius Familiiæ Beatorum merita, videlicet Beati Jacobi, & Beati Solani, quos inter Cœlites in proxima Canonizatione, Deo adjuvante, referemus.

Reliquos verò septem (inter istos, ne, memoratæ Bullæ occasione, Regulationem tantum Nos meminisse videamur) Prælatos aliquos, doctrinam, & laboribus de Romana Curia benemeritos, recensuimus; non ad carnem Nos, & sanguinem respicientes, quæ penitus ad professæ nostræ Dominicanæ Religionis ingressum, sumus, Dei misericordia, oblati; juxta Davidis effatum Psalmorum 44. *et oblivisce Domine Patris tui*: (Ecce abominatio parentum - commentatur celeberrimus

Hugen

Hugo de Sancto Charo, primus inter quinque & quinquaginta Cardinales Ordinis Prædicatorum ) Reliquos, inquit, septem, non libenter, sed planè inviti, in peccatore reservamus, arbitrio nostro successivè publicandos, cura vires Nobis, & media suppetent; illis pro debita statûs ratione providendi.

Durum etenim Nobis semper accideret promovendorum conquestibus non cavere, quorum honorificentiz consultum volumus ( quod jam promoti benè, ac sapienter considerent, & Episcopari velint optaremus ) si eorum honestè simul, ac religiose sustentationi pro posse non provideamus: quamvis alias ( quod, & Nos experti sumus in primo triennio nostri Cardinalatus, antequàm Episcoparemur, in defuetudinem abiisse ) Statutum videlicet in Electione Pii Secundi, in Innocentii Octavi electione innovatum, ut scilicet Cardinalibus sua provisione carentibus, florenorum quatuormillia quotannis assignarentur, ad præxim Nos, etiam cum usura revocare studuerimus; dum floreni ipsi quatuormille, prout realiter tunc valebant, solam quatuormille scutorum summam æquiparabant; de presenti verò, etsi tantummodo sint ideales, nihilominus ad libram positi cum nostri temporis moneta, scuta inveniuntur tercentum supra quinquemille.

Hæc sunt, Venerabiles Fratres, quæ vobis circa hodiernam Cardinalium creationem, ac eorum respectivè publicationem, & in peccatore reservationem, significanda habuimus; super quibus nil Nos profecto intendimus, nisi Dei gloriam, & Ecclesiæ, ac sacri vestri Cætus honorem.

*Quid vobis videtur?*


Auctoritate Omnipotentis Dei, Sanctorum Apostolorum Petri, & Pauli, ac Nostra creamus Sanctæ Romanæ Ecclesiæ Presbyteros Cardinales.

Nicolaum Mariam Lercarium Archiepiscopum Nazianzenum.

Patrem Laurentium Cozza Generalem Ministrum Ordinis Sancti Francisci de Observantia, quem recentis nostræ Constitutionis super Habitu, & Tonsura Prælatorum Regularium edicte, memorem esse volumus; ipsique illius observantiam expressè injungimus.

Cum dispensationibus, derogationibus, & clausulis necessariis, & opportunis. Alios septem in peccatore reservamus, arbitrio nostro quandocumque declarandos.

In Nomine Patris ✠, & Filii ✠ & Spiritus Sancti ✠ Amen.



ROMÆ MDCCXXVI.

Ex Typographia Hieronymi Mainardi,  
apud Theatrum Capranicense.

PRÆSIDUM PERMISSUM.